

**Aatsitassat pillugit ingerlatallu tamatumunnga pingaarutilit pillugit Inatsisartut inatsisaata (aatsitassanut ikummatissanullu inatsit) allanngortinneqarnissaa pillugu Inatsisartut inatsisaat nr. 39, 28. november 2019-imeersoq (Piaanissamut akuersissummik pissarsinissamut tunngavissarititaasunut piumasaqaatit allanngortinneqarnerat aamma sumiiffiit piaanissamut akuersissummi pineqartunut ilaasut illersorneqarnissaat)**

## § 1

Aatsitassat pillugit ingerlatallu tamatumunnga pingaarutilit pillugit Inatsisartut inatsisaat nr. 7, 7. december 2009-imeersumi (aatsitassanut ikummatissanullu inatsit), kingullermik inatsisartut inatsisaanni nr. 16, 27. november 2018-imeersumi allanngortinneqartumi, makkuninnga allanngortitsisoqarpooq:

**1. § 29, imm. 2 imatut oqaasertalerneqarpoq:**

” *Imm. 2. Pisinnaatitsissummik pigisaqartoq imm. 1 malillugu akuersissutip ataani peqarfimmik piiaaffiginiagassaminik paasinarsisitsisimappat sumiiffissiisimallunilu, aammalu allatigut atugassarititaasut akuersissummi aalajangersarneqartut naammassisimallugit, piaanissamut akuersissummik tunineqarnissaminut pisinnaatitaavoq. Akuersissut ingerlatseqatigiiffimmuit pisinnaatitsissummik pigisaqartup toqqagaanut tunniunneqarsinnaavoq, tamanna pillugu takuuk § 16, imm. 3. Akuersissut, sumiiffiup ilaani peqarfiiit pisinnaatitsissummik pigisaqartup piiaffigilersaagaasa sumiiffianniittunut, tunniunneqassaaq. Akuersissummut atugassarititaasutut piffissaq sivikinnerusussanngorlugu aalajangersarneqarsimanngippat, akuersissut ukiuni 30-ni atuuttussanngorlugu tunniunneqassaaq.”* ”

**2. § 29-imi imm. 4-tut ilanngunneqassaaq:**

” *Imm. 4. Sumiiffimmi § 16 malillugu aatsitassanik piaanissamut akuersissummi pineqartunut ilaasumi, akuersissut malillugu pisinnaatitsissummik pigisaqartup saniatigut allat aatsitassanik misissueqqaarnissamut, misissuinissamut imaluunniit aatsitassanik piaanissamut akuersissut malillugu, ingerlataqarlutik suliaqaqqusaanngillat.”* ”

**3. § 30-imi imm. 2-tut ilanngunneqassaaq:**

” *Imm. 2. Pissutsinut piaanermik suliaqarnerup ingerlanneqarnissaanut aammalu akuersissut malillugu ingerlatassanut allanut annertuumik pingaaruteqartunut piffissamut killiliussat pillugit atugassarititaasunik § 16 malillugu aatsitassanik piaanissamut akuersissummi Naalakkersuisut aalajangersaasinnaapput. Piffissamut killiliussaq imaluunniit piffissamut killiliussamut sivitsuineq naammassineqanngippat akuersissut atorunnaassasoq imaluunniit utertinneqassasoq, Naalakkersuisut aalajangiisinjaapput.”* ”

## § 2

Inatsisartut inatsisaat ulloq 1. januar 2020 atuutilerpoq.

*Namminersorlutik Oqartussat, ulloq 28. november 2019*

Kim Kielsen